

(ciep banj 7)

Laebndei gij cidu caeuq gveihcwz aen hawciengz yausu, nyoengx hawj swnghcanj yausu riuzdoengh doengrat, gak yiengh swhyenz boiqceiq vaiqndei, rengzndumj hawciengz lailai langh ok. Cauhguh aen hawciengz diegdajhwnq singz mbanj doengzcaemh. Laebndei gij cidu dajgiek coi hawj gij hawciengz swhbwnj gveihfan hwngfat. Gungganq aen hawciengz gisuz caeuq soqgawq daengx guek gyonjgyoeb. Laebndei gij gihci cujyau youz hawciengz mbiengj siugai caeuq mbiengj gunghawj daeuj gietdingh gyaqcienz yausu, fuengzre cwngfuj doiq gyaqcienz dinghbaenz guh yiengh capfwngz mbouj hab. Laebcaez gij gihci doengh yiengh swnghcanj yausu baudaengz lauздung, swhbwnj, diegdeih, cihsiz, gisuz, guenjleix, soqgawq daengj youz hawciengz bingzgyaq goenglauz, ciuq goenglauz gietdingh cienzhong. Gyavaiq gaijgwz gij gyaqcienz raemx, nwngznyenz, gyaudoeng doengh aen lingjyiz neix, gaijnedei gij cidu faen mbaek dingh gyaqcienz gihminz yungh raemx, yungh dienh, yungh heiq, laebndei aen gihci dinghgyaq cwngzbinjyouz.

Laebndei gij dijci riuzdoeng, gyavaiq guh vuzlenzvangj, laebcaez gij gveihcwz caeuq biucinj riuzdoeng baenz cingjdae bae hamzciep, gyangq-daemq gij cingzbonj daehhuq daengx biengz. Gyalae gajgwz aen dijci guenjleix nwngznyenz, hwnqguh aen hawciengz gai dienh cawx dienh daengx guek doengzcaemh, gaijnedei aen gihci yinhhengz diuhdoh guenjmuengx youz heiq.

Gyavaiq gungganq aen dijhi caezcingj gij aeuyungh ndaw guek hawciengz, laebhwnj aen gihci ciengzgeiz mizyauq cwngfuj douzsw haeujcoengh hwnqguh gij hanghmoeg hungnaek guh giekdae j, ndeileih vunz lai, ndei daengz coglaeng, laebcaez gij dijci gihci cwngfuj douzsw haeujcoengh daiqdoengh ndawbiengz douzsw, gyalae gajgwz gij cidu saemjbae douzsw, laebndei gij banhfap ndaej gikfat swhbwnj ndawbiengz lai guh douzsw caeuq coicaenh douzsw doek daengz dieg, guhbaenz yiengh gihci douzsw gag ndaej gyalai youz hawciengz dazyinx haenx. Laebndei gij banhfap ndaej ciengzgeiz gya hung siuhfei, gemjnoix gij guhfap hanhhaed, hableix gyalai yiengh siuhfei vunz lai caezcaemh, gyavaiq guh yiengh ginghci oknduj.

(7) Laebcaez gij cidu giekdae hawciengz ginghci. Laebcaez gij cidu canjgienz, ciufap bingzdaengj ciengzgeiz baujhoh gij canjgienz gak cungj sojyoujci ginghci, laebhwnj aen dijci gyoebhab guenjleix cihsiz canjgienz rengzrwd. Laebndei gij cidu biengjloh saenqsik hawciengz, cauhlaeb gij cidu baujhoh baexmaed sanghyez. Doiq gij yienghsaeh ciemqfamh gij canjgienz caeuq gij leih'ik habfap gak cungj sojyoujci ginghci, hengz-guh caemh faenhrap caemh aencoih caemh fadceih, laebndei gij cidu aeu dienzboiz guh ceihfad. Gyarengz doenggvaq dawzfap caepfap baujhoh canjgienz, fuengzre caeuq niujcingq gij yienghsaeh aeu soujduenh hingzcwn g, hingzsaeh bae capfwngz ginghci cengnauh, laebcaez gij banhfap ciufap cazseuq niujcingq gij anquengj anqloek nanangq giyez.

Laebndei aen cidu cinjhaeuj hawciengz, gaijnedei gij vanzging cinjhaeuj aen hawciengz yezdai moq lingjyiz moq. Gyalae gajgwz aen cidu daenghgeiq gij swhbwnj nyinhgyau haeujbough, saedhengz ciufap ciuqseiz nyinhgyau. Laebcaez gij gihci giyez buqcanj, damqra laebhwnj aen cidu gagboux buqcanj, doihaeuj gaiq hong boiqdauq gaijgwz siubae giyez, laebndei aen cidu giyez doiqok. Laebcaez aen dijhi saenqyungh ndawbiengz caeuq aen cidu gamguenj.

Sam、Laebcaez Gij Dijci Gihci Doinyoengx Ginghci Caetliengh Sang Bae Hwngfat

Caetliengh sang bae hwngfat dwg aen yinvu ceiq youqgaenj cienzmienh hwnqguh aen guekgya sevei cujyi yendaiva. Itdingh aeu yungh gij leixniemh hwngfat moq daeuj dazyinx gaijgwz, ndwn youq duenhmbaek hwngfat moq, gyalae gajgwz gij gezgou mbiengj gunghawj, caezcienz yiengh banhfap youh coi youh hanh doidoengh yiengh hwngfat caetliengh sang, dajcauh hwngfat rengznyoengx moq gijak moq.

(8) Laeb caezcienz gij dijci gihci yawj dieg dingh geiq bae hwngfat yiengh swnghcanjliz akmoq. Doidoengh gisuz ndaej boek giek hwnq moq, gaiqyiengh swnghcanj ndaej cauhmoq boiqhawj, canjnieb ndaej haeujlaeg vuenhyiengh swnggaep, hawj bouxguh hong、gij swhliu guh hong、gij doiqsiengq guh hong gapgyoeb bienq ndei caeuq vuenhmoq yatsang, coiok canjnieb moq、vunqsik moq、rengznyoengx moq, hwngfat gij swnghcanjliz aeu gisuz ak、yauqnaengz lai、caetliengh ndei guh mai haenx. Lai roengzrengz cauhmoq gij gisuz doxdoengz youqgaenj、gij gisuz lingxdaeuz ceiq moq、gij gunghcwn gz gisuz ciuhneix、gij gisuz boekbuenz, lai laeb cidu hawj aen lingjyiz moq diuz roen doxdax moq, laebhwnj gij gihci gyalai douz cienz guh yiengh canjnieb daengzcog, laebndei gij cwn gcwz caeuq aen dijhi ceihleix coengh guh sinsiz gisuz daih moq、yinzgungh cinwngz、hangzgungh hangzdenh、nwngznyenz moq、caizliu moq、canghbei gaepsang、swnghvuz yihoz、liengswj gohgi doengh gij canjnieb hawjrengz daengxbuenz neix, dazyinx gij canjnieb ngamq hwng miz bouhloh coh ndei guh bae. Ciuq gij biucinj guekgya bae daezswng dazyinx yiengh canjnieb ciuh cienz ciuh haenx gaijnedei swnggaep, haeujcoengh giyez yungh gij gisuz soqcih cinwngz、gij gisuz loegsaek bae gaijcauh daezswng yiengh canjnieb ciuh cienz ciuh. Gyalai vanzbauj、ancienz daengj aeu cidu bae hanhhaed.

Laebcaez gij gveihcwz caeuq cwn gcwz doxgven, gyavaiq guhbaenz yiengh swnghcanj gvanhaeh engq hab yiengh swnghcanjliz akmoq, coicaenh gak loih gaiqyiengh akmaenh swnghcanj comz haeuj guh yiengh swnghcanjliz akmoq, hawj daengx gaiqyiengh swnghcanj guh ok engq lai. Gujli caeuq gveihfan gaiq hong hwngfat denhsij douzsw h、fungyiengj douzsw h、gagliemx gujgienz douzsw h, engq lai langh ok gij rengz aen douzsw h gihginh cwn gfuj, hwngfat yiengh swhbwnj naihsim.

(9) Laebcaez aen cidu coicaenh yiengh ginghci saeddae j caeuq yiengh ginghci soqcih haeujlaeg yungzhab. Gyavaiq doihaeuj gij gunghyezva yiengh-moq, gungganq guhhung hangzdajcauh maenhndei comzgyoengq, coi hawj hangzdajcauh coh gaepsang、cinwngz、loegsaek bae guh. Cauhlaeb buek bingzdaiz gisuz hangznieb caemhyungh ndeu, gyavaiq gaij-bienq vunqsik canjnieb caeuq cujciz hingzdai giyez, laebcaez gij dijci gihci hwnjsang aen diegvih lingxdaeuz yiengh canjnieb miz gijak. Gaijnedei gij banhfap haiyungh caeuq gamguenj aen gihginh canjnieb hungnaek, saedbauj cienzngaenz cuengq haeuj guekgya daengxbuenz aeuyungh bae. Laebhwnj aen banhfap bauj hawj hangzdajcauh ndaej ciuq cingzsoq hableix bae douzhaeuj, hableix gyangqdaemq gij cingzbonj lai yiengh caeuq diuzrap gvaehfeiq.

Gyavaiq cauhlaeb gij dijci gihci coicaenh yiengh ginghci soqcih hwngfat, laebndei aen cwn gcwz dijhi coicaenh soqcih guhbaenz canjnieb caeuq canjnieb baengh soqcih bae guh. Gyavaiq gizgiz yienghyiengh cungj yungh saenqsik gisuz daih moq, hwngfat gij hulenzvangj gunghyez, dajcauh

yiengh canjnieb soqcih comzgyoengq ndaej caeuq guek wng doxdax beijak. Coicaenh yiengh ginghci bingzdaiz cauhmoq bae hwngfat, laebcaez gij cidu ciuqciengz bae gamguenj yiengh ginghci bingzdaiz. Hwnqguh caeuq haiyungh gij sezsih giekdae j soqgawq guekgya, coicaenh soqgawq caezyungh. Gyavaiq laebhwnj aen cidu canjgienz soqgawq nyinhdingh gvisug、hwnjhaw gaicawx、faenboiq gienzik、baujhoh leih'ik, gyaak gaiq bonjsaeh ceihleix gamguenj soqgawq ancienz, laebhwnj aen gihci hawj soqgawq hamj gyaiq riuzdoeng youh vaiq youh bienh youh ancienz.

(10) Laebndei aen dijci gihci hwngfat hangzfugsae h. Laebndei aen cwn gcwz dijhi haeuj-coengh hangzfugsae h hwngfat, gaijnedei gij haed-suenq hangzfugsae h, coi hawj hangzfugsae h ciuq biucinj hwnqguh. Comzrengz haeuj giz hothoh youqgaenj faen lingjyiz bae doicaenh hangzfugsae h swnghcanj coh ndei guh baenaj, hwngfat aen bingzdaiz hulenzvangj canjnieb, buqcawz gij gazgit hingzcwn g hamj digih bae guh, doicaenh hangz-fugsae h swnghcanj yungzhab hwngfat. Laebcaez gij banhfap gyavaiq hangzfugsae h gwndaenj hwngfat baenz lai yiengh. Laebndei aen dijhi fapgyi cidu hawj gij gihgou youzyaz fugsae h, coicaenh gij gihgou youzyaz fugsae h lauxsaed souj saenqyungh、ciuqfap rap faenh hong.

(11) Laebcaez aen dijci gihci hwnqguh gij sezsih giekdae j yendaiva. Cauhlaeb aen dijhi cimdoi q sezsih giekdae j yienghmoq bae ok gviveh caeuq ok biucinj, laebcaez gij banhfap yungzhab yungh ndei sezsih giekdae j yienghmoq, gyavaiq gaij gij sezsih giekdae j conzdu ngj baenz yiengh soqcih, haigvangq gij roenloh cuengqcienz couxcienz lai cungj lai yiengh, laebcaez gij gihci boiqhab doxngamj bae hwnqguh sezsih giekdae j hungnaek. Gyalae gajgwz aen dijhi lai cungj gyaudoeng daehyinh, doicaenh gaijgwz gij dijci hangz dietloh, hwngfat yiengh hangzgungh doengyungh caeuq yiengh ginghci byonghmbwn daemq, gyavaiq gaijnedei gij cwn gcwz goengloh sou feiq. Gyaak gij naengzlig yiengh baujyiengj gwnzraemx daehyinh rapdawz baujyiengj caeuq engq rox fugsae h daengx seiqgyaiq, doicaenh cauhmoq gij cidu gveihcwz caizdingh saeh gwnzhaij. Laebcaez gij banhfap hwnqguh、haiyungh、guenjleix sui jli gunghcwn gz hungnaek.

(12) Laebcaez aen cidu hawj diuzlien h canjnieb diuzlien h gunghawj engq dingjndae j engq ancienz. Cagaenj dajcauh diuzlien h canjnieb diuzlien h gunghawj gag guhbaenz ndaej gaemhanh haenx, laebcaez gij dijci gihci gyarengz bae hwngfat gij diuzlien h canjnieb youqgaenj baudaengz cizcwn gz denlu、gunghyez mujgih、gaiqyungh yihliuz、yizgi yizbyauj、yonjgen goekgiek、yonjgen gunghyez、caizliu senhcin daengj, daengx diuzlien h doihaeuj gungroengz gizhoj gisuz、wngqyungh cwn gzgoj. Laebhwnj gij gihci bingzguj caeuq dingjdoi q diuzlien h canjnieb diuzlien h gunghawj oksaeh. Laebndei aen gihci doxgap faen mbaek miz bouhloh youq ndaw guek senjnod canjnieb, coi baenz giz dieg cienjok caeuq giz dieg ciepcoux caezyungh leih'ik. Laebguh gizdieg gyangsim guekgya canloz caeuq bwhfaenh doengh aen canjnieb ceiq youqgaenj. Gyavaiq laebndei aen dijhi guekgya rombwh. Laebndei aen dijhi gyonjguenj caeuq hamzciep gaiq hong damqra、swnghcanj、gunghawj、cwkwrom、siugai doengh cungj gvanganj swhyenz coengh daengx-buenz haenx.

(cienj banj 9)